



Na osnovu člana 62. i 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj:35/05) i člana 43. Statuta Općine Bosanski Petrovac–prečišćen tekst („Službeni glasnik općine Bosanski Petrovac“ br.7/08), a u vezi člana 3 Odluke o načinu odabira projekata nevladinih/neprofitnih organizacija po LOD metodologiji („Službeni glasnik općine Bosanski Petrovac“ br.2/13), općinski Načelnik objavljuje:

**JAVNI POZIV ORGANIZACIJAMA CIVILNOG DRUŠTVA/NEVLADINIM
ORGANIZACIJAMA
ZA PREDAJU PRIJEDLOGA PROJEKATA U SKLOPU
„TEKUĆEG TRANSFERA NEPROFITNIM ORGANIZACIJAMA“ ZA 2019. GODINU**

Općina Bosanski Petrovac poziva sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu sa razvojnim ciljevima općine Bosanski Petrovac iz sljedećih prioritetnih oblasti:

1. Unapređenje kapaciteta turističke ponude sa akcentom na uređenju izletišta na području općine Bosanski Petrovac

Ukupna raspoloživa sredstva „tekućeg transfera neprofitnim organizacijama“ po Budžetu Općine Bosanski Petrovac za 2019. god. iznose 10.000,00 KM.

Sredstva za pojedinačne odobrene projekte koji će biti dodjeljeni u okviru ovog poziva iznosiće minimalno 1.000,00 KM, a maksimalno do 3.500,00 KM.

Općina zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije. Dužina trajanja svakog projekta može biti 6 (šest) mjeseci.

Zainteresirani OCD-i mogu sufinansirati projekt kojim apliciraju ili dio sredstava osigurati od drugih donatora. Grantom koji se dodjeljuje u okviru ovog poziva mogu se finansirati administrativni troškovi i troškovi osoblja u maksimalnom iznosu od 20% od zahtjevanog iznosa. Ostatak od 80% finansijskih sredstava trebalo bi predvidjeti za programske aktivnosti projekta.

Lokacija

Projekti moraju biti implementirani isključivo na području općine Bosanski Petrovac.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrirane OCD-e i NVO-e (udruženje/udruga ili fondacija), u skladu sa važećim zakonskim propisima u Bosni i Hercegovini.



Da bi se prijavili na javni poziv podnositelji projekta moraju:

- biti pravno lice neprofitabilnog karaktera registrirano u BiH, u skladu sa važećim zakonskim propisima (udruženje/udruga ili fondacija).

Podnosioci projekta mogu se prijaviti samostalno ili u konzorciju sa drugim organizacijama i/ili institucijama. Partneri na projektu mogu biti: druge nevladine organizacije i lokalne vlasti.

I druge organizacije i/ili institucije mogu biti uključene u projekt. Takve organizacije-saradnice imaju stvarnu ulogu u realizaciji aktivnosti, ali ne mogu dobiti sredstva iz granta.

Sljedeće aktivnosti nisu preporučljive za dodjelu grantova:

- Individualna sponzorstva za učestvovanje u radionicama, seminarima, konferencijama, kongresima;
- Individualne stipendije za studije ili trening kurseve;
- Povremene konferencije (osim ako su neophodne za uspješnu implementaciju projekta);
- Kupovina opreme (osim ako je neophodna za uspješnu implementaciju projekta);
- Finansiranje projekata koji su već u toku ili su završeni;
- Projekti za ekskluzivnu dobrobit pojedinaca;
- Projekti koji podržavaju političke partije;
- Primarno finansiranje podnosioca prijedloga ili njihovih partnera;
- Dodjeljivanje grantova trećoj strani;

NAČIN PRIJAVE I POTREBNA DOKUMENTACIJA

Podnosioci projekata na Javni poziv dostavljaju:

1. Ispunjen obrazac prijave/ koncept projekta;
2. Kopiju Rješenja o registarciji;
3. Kopiju Statuta Udruženja;
4. Kopiju finansijskog izveštaja-APIF;
5. Zapisnik sa održane sjednice Skupštine;
6. Lista članova udruženja.

Napomena: Kako bi se smanjili dodatni nepotrebni troškovi, aplikanti u prvoj fazi trebaju da dostave samo navedenu dokumentaciju koju nije potrebno ovjeravati. Ukoliko dostavljeni projektni prijedlozi budu pozitivno ocjenjeni od strane Komisije za odabir projekata, aplikanti će biti dužni dostaviti popunjenu slijedeću dokumentaciju:

- Projektni prijedlog (Word format - Prilog 1),
- Pregled budžeta/proračuna (Excel format - Prilog 2),
- Matrica logičkog okvira (Word format - Prilog 3),
- Plan aktivnosti i promocije (Excel format – Prilog 4).
- popunjena forma Administrativni podaci o podnosiocu projekta (Word format - Prilog 5),



- popunjena Finansijska identifikaciona forma (Excel format - Prilog 6),
- popunjena i potpisana Izjava o podobnosti (Word format - Prilog 7),

PREUZIMANJE OBRAZCA ZA PRIJAVU:

Obrazac za prijavu na Javni poziv za općinu Bosanski Petrovac može se preuzeti od *petka, 14.06.2019.god.*, slanjem zahtjeva sa nazivom zainteresirane organizacije na e-mail: opcinabp@bih.net.ba ili lično preuzimanjem na info pultu zgrade općine Bosanski Petrovac, Ul. Bosanska 110, 77 250 Bosanski Petrovac. Elektronska verzija obrazca za prijavu može se naći i na službenoj web stranici općine: www.bosanskipetrovac.gov.ba. Pitanja u vezi sa javnim pozivom mogu se postaviti putem e-mail adrese opcinabp@bih.net.ba, sa naznakom za javni poziv. Odgovori na upite bit će dostavljeni u pisanoj formi unutar 3 radna dana od primitka upita.

PREDAJA APLIKACIJA:

Ispunjen prijavni obrazac sa zahtjevanom dokumentacijom dostavlja se u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08:00 do 15:00 sati, na sljedeću adresu, sa naznakom za Javni poziv organizacijama civilnog društva/neprofitnim organizacijama za predaju prijedloga projekata u sklopu „tekućeg transfera neprofitnim organizacijama“ za 2019. godinu, Općina Bosanski Petrovac, Bosanska 110, 77 250 Bosanski Petrovac.

Rok za predaju aplikacija je do utroška planiranih sredstava. Vanjska strana koverta mora sadržavati naziv poziva za predaju prijedloga projekata, puno ime i adresu podnosioca projekta, puni naziv projekta i navod “Ne otvarati prije zvaničnog otvaranja”.

Rezultati će biti objavljeni na web stranici općine Bosanski Petrovac kao i na oglasnoj ploči općine.



OCJENJIVANJE I ODABIR PRIJEDLOGA PROJEKATA

Odabir prijedloga projekata po osnovu ovog Javnog poziva vršiti će komisija koju imenuje općinski Načelnik u skladu sa Odlukom o načinu odabira projekata nevladinih/neprofitnih organizacija po LOD metodologiji.

Napomena: Nakon usvajanja od strane općinskog vijeća i obezbjeđenja sredstava u općinskom budžetu za provedbu "Akcionog plana za obezbjeđenje sredstava za podršku mjera ekonomskog osnaživanja za povratnike, raseljena i socijalno ugrožena lica" objaviće se dopuna javnog poziva za realizaciju istog.

Broj: 06-23-1235-2 / 19

Datum: 13.06.2019. god. u Bos. Petrovac

Obradila:

Mirela Tešnjak i Dragana Manojlović

Općinski načelnik
Dejan Prošić, dipl.ing.šumarstva

Dostaviti:

- Oglasna. Ploča;
- Web općine;
- Radio;
- Službeni glasnik općine;
- a/a